



Concello do Porriño

CONVENIO DE COLABORACIÓN ENTRE O CONCELLO DO PORRIÑO E A ANPA SANTA EULALIA DO COLEXIO PÚBLICO DE ATIOS PARA MANTEMENTO DO PROGRAMA DE AULA MADRUGA NO CURSO ESCOLAR 2023-2024.

Expte. 3508/2024

REUNIDOS NA DATA EXPRESADA NA MARXE:

Dunha parte, D. Manuel Alejandro Lorenzo Alonso, co D.N.I. nº 76907670V na súa condición de alcalde-presidente do Concello do Porriño, no exercicio das facultades de representación atribuídas pola lexislación de Réxime Local (artigo 61.1.a)) da lei 5/1997, do 22 de xullo, de Administración Local de Galicia, e artigo 21.1.b) da lei 7/1985, do 2 de abril, Reguladora das Bases de Réxime Local. *(artigo 21 redactado polo apartado 1 do artigo primeiro da Lei 57/2003, do 16 de decembro, de medidas para a modernización do goberno local)*

Doutra,
Dona Bárbara Belén Costas Alonso, con D.N.I. 76898726 C, presidenta da Asociación de Nais e Pais de Alumnos Santa Eulalia do colexio público de Atios con CIF G36166007 en virtude de nomeamento acordado na Asemblea Xeral celebrada o 08/02/2024.

Os comparecentes , no concepto en que interveñen, recoñécense reciprocamente a lexitimación e a capacidade legal necesaria para o outorgamento e formalización do presente convenio.

E acordan o seguinte,

TÍTULO I

DISPOSICIÓN XERAIS

ARTIGO 1. Obxecto e vixencia do convenio.-

a) Obxecto:





De conformidade co art. 25.2 da Lei 7/85 do 2 de Abril, Reguladora das Bases do Réxime Local, é competencia deste Concello, entre outras, a promoción da cultura e a promoción da igualdade entre homes e mulleres e, consecuentemente, as mesmas oportunidades no acceso ao traballo que obriga á conciliación da vida laboral e familiar en colaboración cos centros escolares e ANPAS mediante a instauración dos programas de Aula Madruga. En especial nestes momentos de grave crise económica tras a pandemia e coa actual situación bélica de guerra pola invasión de Ucraína. Co propósito de afondar nestas relacións, o Concello establece as vías de participación necesarias para que estas asociacións poidan acometer o pagamento de apertura e mantemento de Aula Madruga durante o curso escolar 2023-2024.

Que, de conformidade co disposto no artigo 26.1 da Lei 9/2007, do 13 de xuño de Subvencións de Galicia, o convenio de colaboración será o instrumento habitual para canalizar as subvencións tramitadas polo procedemento de concesión directa, no que se establecen as condicións e compromisos aplicables, os asinantes conclúen o presente convenio ao fin de regular os termos da concesión, co obxecto de financiar os gastos de mantemento do servizo de aula madruga cun orzamento de gastos de 3.600,00 € para o presente curso 2023-2024. As aportacións de familias e ANPA é de 2.160,00 € o que provoca que non teñan recursos para afrontar a cantidade de 1.440,00 € déficit resultante do orzamento presentado.

É por este motivo que o Concello considera de interés público axudar a afrontar este custe que non poder asumir a asociación por importe de 1.440,00 euros.

Vixencia:

Este convenio ten a única finalidade de actuar como acto de formalización da colaboración do Concello e a ANPA SANTA EULALIA DO COLEXIO PÚBLICO DE ATIOS para mantemento da Aula Madruga durante o curso escolar 2023-2024 e remata unha vez asinado e cumpridas coas condicións establecidas no mesmo por terse presentada xa a conta xustificativa.

TÍTULO II

BENEFICIARIO.- DEREITOS E OBRIGAS.

ARTIGO 2. Dereitos e Obrigas do beneficiario.

Son obrigas do beneficiario:

Aceptar a subvención. En caso de que isto non sexa posible deberá renunciar a ela de forma expresa e motivada, no prazo de quince días, dende a sinatura do convenio.





Someterse as actuacións de comprobación e control que sexan debidamente requiridas polos órganos municipais, aportando tanta información que sexa requirida no exercicio destas actuacións e que estean relacionadas coa concesión da subvención.

Dar conta ó Concello das modificacións que poidan xurdir na realización do proxecto, xustificándoas adecuadamente.

Comunicar ó Concello a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza.

Acreditar con anterioridade a sinatura do convenio que se encontra ó corrente no cumprimento das obrigas tributarias e fronte a Seguridade Social.

Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable, ou no seu caso, os estados contables que garantiren o adecuado exercicio das facultades de comprobación e control. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de control e comprobación.

Deberán dar a adecuada publicidade do carácter público do financiamento de programas, actividades, investimentos ou actuacións de calquera tipo que sexan obxecto de subvención.

Proceder ó reintegro dos fondos públicos percibidos nos supostos contemplados no art. 37 de la LXS (Causas de reintegro).

Autorizar ao Concello do Porriño a solicitar ós departamentos responsables, e comprobar de oficio, os datos e a documentación que acredite que se achán ao corrente das súas obrigas Tributarias.

TÍTULO III

DISPOSICIÓN PARTICULARES.

ARTIGO 3. Relacións laborais.

A asociación deberá cumprir coa normativa vixente en materia laboral e fiscal. En ningún caso as persoas que integren o persoal da entidade, calquera que sexa a súa categoría, terá vínculo laboral co Concello por dito concepto. Asimesmo, non existe vínculo por





parte do Concello de ningún tipo coa empresa contratada para a acción subvencionable mediante o presente convenio.

O concello poderá esixirlle ao beneficiario, si así o considerase oportuno, as xustificacións de estar cumprindo dita normativa.

ARTIGO 4. Seguros civís .

A entidade queda na obriga, de ser necesario, de ter os seguros civís que esixa a normativa vixente. O concello poderá, si así o estima oportuno, facer as comprobacións pertinentes a este respecto e solicitar copia de ditos documentos.

TÍTULO IV

GASTOS SUBVENCIONABLES, IMPORTE, IMPUTACIÓN ORZAMENTARIA, XUSTIFICACIÓN E PAGO.

ARTIGO 5. Gastos subvencionables.

Considéranse gastos subvencionables aqueles que de maneira indubitada respondan a natureza da actividade subvencionada, e se realicen no prazo establecido no presente convenio. No presente caso a finalidade se concreta no pago á empresa contratada para a prestación do servizo de Aula Madruga, segundo orzamento presentado na súa solicitude.

ARTIGO 6.- Importe e imputación orzamentaria.

O Concello comprométese a conceder directamente á ANPA unha subvención por importe de mil catrocentos corenta euros 1.440,00 €), con cargo á aplicación orzamentaria 323.4800000 do vixente orzamento municipal, no que existe documento contable RC.

ARTIGO 7. Xustificación.

A xustificación do cumprimento das condicións impostas e da consecución dos obxectivos previstos na concesión da subvención, documentarase a través da rendición da **conta xustificativa**, que constitúe un acto obrigatorio do beneficiario, no que se deben incluír, baixo responsabilidade do declarante, os xustificantes do gasto ou calquer outro documento con validez xurídica que permita acreditar o cumprimento do obxecto da subvención.

Consta presentada a conta xustificativa por parte do beneficiario por corresponderse cunha actividade desenvolvida xa durante o curso escolar 2023-2024 que comezou en setembro de 2023 e rematou en xuño de 2024.





O importe das subvencións en ningún caso poderán ser de tal contía que, illadamente ou en concorrencia con subvencións ou axudas doutras Administracións públicas ou de outros entes públicos ou privados, sexan autonómicos, estatais ou internacionais, supere o orzamento do proxecto para o que se solicita.

ARTIGO 8. Pago.

- Non proceden os pagos a conta por terse presentada a conta xustificativa, abonándose a totalidade da subvención unha vez asinado o presente convenio por importe de 1.440,00 euros.

TÍTULO V

COMISIÓN MIXTA DE SEGUIMIENTO DO CONVENIO

ARTIGO 9.- Comisión Mixta.

Como mecanismo de coordinación e solución de posibles controversias na aplicación do contido do Convenio, constituirase unha Comisión Mixta de Seguimento do convenio composta por dous representantes da Entidade beneficiaria da subvención e dous representantes municipais, actuando como presidenta da mesma a Concelleira/delegada de educación. Esta comisión será a encargada de resolver os problemas de interpretación e cumprimento que puideran plantexarse durante o desenvolvemento do convenio.

TÍTULO VI

PROCEDIMENTO DE REINTEGRO

ARTIGO 10. Reintegro.

O órgano que concede será o competente para esixir do beneficiario o reintegro de subvencións cando aprecie a existencia dalgún dos supostos de reintegro de cantidades percibidas establecidos no art. 37 da Lei Xeral de Subvencións o polo incumprimento dalgún dos artigos do presente convenio. A devolución de cantidades axustarase ó procedemento establecido no artigo 42 da Lei.

O prazo máximo para resolver e notificar a resolución do procedemento de reintegro será de doce meses dende a data do acordo de iniciación.

Prescribirá ós catro anos o dereito da Administración a recoñecer ou liquidar o reintegro, computándose segundo o establecido no art. 39.2 da Lei.





Concello do Porriño

TÍTULO VII

INFRACCIÓNS E SANCIÓN ADMINISTRATIVAS.- PROCEDIMENTO SANCIONADOR

ARTIGO 11. Infraccións e Sancións.

Constitúen infraccións administrativas en materia de subvencións as accións e omisións tipificadas na Lei Xeral de Subvencións e serán sancionables incluso a título de simple negligencia.

Se atenderá en canto a tipificación e procedemento ó previsto no título IV da citada lei.

No caso de incumprimento por parte da asociación dos artigos deste convenio, ben por separado ou no seu conxunto, o Concello poderá rescindilo, esixindo no seu caso o reintegro da cantidade a conta recibida.

**(asinado dixitalmente á marxe
Polo alcalde-presidente)**

**Pola ANPA,
A presidenta Dna.
Bárbara Belén Costas Alonso**

